

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 429693 22 St
Tuzla, 12.05.2023. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „GRANDINI“ d.o.o. Kalesija, za proizvodnju, unutrašnju i spoljnu trgovinu i usluge, ul. Senada Požegića bb, nakon provedenog stečajnog postupka, donio je dana 12.05.2023. godine sljedeće:

RJEŠENJE

OTVARA SE stečajni postupak nad imovinom dužnika „GRANDINI“ d.o.o. Kalesija, za proizvodnju, unutrašnju i spoljnu trgovinu i usluge, ul. Senada Požegića bb, matični broj subjekta 1-12289, JIB: 4209455590001, račun broj: 1321400310557904 otvoren kod NLB banka d.d. Sarajevo.

Za stečajnog upravnika imenuje se Mirza Imamović iz Tuzle, ul. Goste Lazarevića 30.

ZAKLJUČUJE SE stečajni postupak nad imovinom dužnika „GRANDINI“ d.o.o. Kalesija, za proizvodnju, unutrašnju i spoljnu trgovinu i usluge, ul. Senada Požegića bb, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 429693 22 St od 29.12.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „GRANDINI“ d.o.o. Kalesija, za proizvodnju, unutrašnju i spoljnu trgovinu i usluge, ul. Senada Požegića bb, a za privremenog stečajnog upravnika imenovan je Mirza Imamović iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 30.01.2023. godine. Iz izvještaja privremenog stečajnog upravnika proizilazi da društvo ima obaveze koje su prikazane u izvještaju privremenog stečajnog upravnika i iznose 79.242,00 KM koje se odnose na obaveze za poreze i doprinose na plate. Uvidom u izvještaj utvrđeno je da društvo ne raspolaže bilo kakvom imovinom. Društvo je prestalo sa obavljanjem djelatnosti 2006. godine, od kada sve do 2021. godine nije predan ni jedan godišnji izvještaj u AFIP, odnosno FIA, društvo kod banaka nema ni jedan otvoren račun.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 14.02.2023. godine pozvao

predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 16/23 dana 08.03.2023. godine, oglasnoj tabli suda dana 15.02.2023. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama FBIH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.